

## **SHTOJCA 1 e**

### **Parashtrimet të Versionit të Redaktuar Publik të Aktakuzës së Konfirmuar**

Publike



SPECIALIST PROSECUTOR'S OFFICE  
ZYRA E PROKURORIT TË SPECIALIZUAR  
SPECIJALIZOVANO TUŽILAŠTVO

**Numri i lëndës:** KSC-BC-2023-10

**Prokurori i Specializuar kundër Sabit Januzit dhe  
Ismet Bahtjarit**

**Administratore:** Dr. Fidelma Donlon

**Parashtruesi:** Zyra e Prokurorit të Specializuar

**Data:** 4 tetor 2023

**Gjuha:** Anglishte

**Klasifikimi:** Publike

---

**Aktakuzë e Redaktuar Publike**

---

**Zyra e Prokurorit të Specializuar**

**Mbrojtësve të të akuzuarve**

Vard Ferdinandse

Zyra e Prokurorit të Specializuar, në përputhje me kompetencën që ka sipas neneve 35(2)(i) dhe 38(4) të Ligjit nr. 05/L-053 për Dhomat e Specializuara dhe Zyrën e Prokurorit të Specializuar ("Ligji"), akuzon:

**SABIT JANUZIN**

dhe

**ISMET BAHTJARIN**

për **vepra penale kundër administrimit të drejtësisë dhe administratës publike dhe vepra penale kundër rendit publik**, të ndëshkueshme në bazë të Kapitujve II, XXXI dhe XXXII të Kodit Penal të Republikës së Kosovës, Kodi nr. 06/L-074 (2019) ("KPK"), dhe neneve 15(2) dhe 16(3) të Ligjit, sikurse shtjellohet në vijim:

## **I. TË AKUZUARIT**

1. **Sabit JANUZI** u lind më 29 prill 1966, në Bërvenik, Kosovë. Ai është shtetas i Kosovës (numri personal: [REDAKTUAR]).
2. **Ismet BAHTJARI**, gjithashtu i njohur si "Shema", u lind më 27 shkurt 1963, në Fushticë të Poshtme, Kosovë. Ai është shtetas i Kosovës (numri personal: [REDAKTUAR]).

## **II. PARAQITJE E FAKTEVE**

### **A. Veprat penale të paraqitura në Aktakuzë**

3. Të gjitha veprat penale të paraqitura në këtë aktakuzë kanë lidhje me procese zyrtare të Dhomave të Specializuara të Kosovës ("DHSK") dhe hetimet e Zyrës së Prokurorit të Specializuar ("ZPS").

4. [REDAKTUAR] ("dëshmitari 1") është person që i ka dhënë ose ka të ngjarë t'i japë Task Forcës Hetimore Speciale ("TFHS"), ZPS-së dhe/ose cilitdo trupi gjykues të DHSK-së, informacion në lidhje me krime ose vepra penale të përfshira në juridiksionin e DHSK-së.

1) *Pengim i personave zyrtarë në kryerjen e detyrave zyrtare*

5. **Sabit JANUZI** dhe **Ismet BAHTJARI**, përmes kërcënimit të rëndë dhe veprimit të përbashkët të një grupi personash në të cilin të dy morën pjesë, tentuan të pengonin persona zyrtarë, si gjykatës, prokurorë, zyrtarë të gjykatës, zyrtarë të prokurorisë apo persona të autorizuar nga gjykata ose prokuroria, në kryerjen e detyrave zyrtare.

6. Sikurse shtjellohet më poshtë, midis më së paku 5 prillit 2023 dhe 12 prillit 2023, **JANUZI** dhe **BAHTJARI**, në bashkëkryerje me individë të tjerë, ndër të cilët [REDAKTUAR] ("bashkëkryesi 1"), u bashkërenduan si grup para dhe pas kontakteve personale të **JANUZIT** dhe **BAHTJARIT** me dëshmitarin 1. Konkretisht, **JANUZI** dhe **BAHTJARI** u takuan secili më vete me dëshmitarin 1 për ta nxitur dëshmitarin 1 që të tërhiqte dëshminë, ose të mos jepte dëshmi në proceset zyrtare para DHSK-së. Kjo sjellje tregon qartë synimin e **JANUZIT** dhe **BAHTJARIT** për të dëmtuar dhe penguar persona zyrtar në kryerjen e detyrave zyrtare.

*Kontakti i parë*

7. Më 5 prill 2023, bashkëkryesi 1 i telefonoi **JANUZIT**. Më pas edhe **BAHTJARI** i telefonoi **JANUZIT**.

8. Pasi i telefonoi dhe u vërtetua që dëshmitari 1 ishte në shtëpi, **BAHTJARI** shkoi në shtëpinë e dëshmitarit 1. **BAHTJARI** i tha dëshmitarit 1 se bashkëkryesi 1 e kishte kontaktuar kohët e fundit dhe e kishte dërguar që t'i thoshte dëshmitarit 1 se duhej të tërhiqte dëshminë.

9. Kur dëshmitari 1 e pyeti nëse [REDAKTUAR] dëshmitari 1 do të jepte dëshmi, **BAHTJARI** e konfirmoi këtë.
10. **BAHTJARI** u largua nga shtëpia e dëshmitarit 1 dhe eci deri te një veturë aty afër, në të cilën po prisnin dy burra dhe një person i tretë në ulësen e shoferit.
11. Si rezultat i këtij kontakti, dëshmitari 1 u shqetësua shumë për sigurinë e familjes së vet.
12. Më vonë më 5 prill 2023, pasi **BAHTJARI** kishte vizituar dëshmitarin 1, bashkëkryesi 1 dhe **JANUZI**, si dhe **JANUZI** dhe **BAHTJARI** individualisht, patën kontakte të shumta me mesazhe dhe telefon, ku përfshihen edhe kontaktet midis bashkëkryesit 1 dhe **JANUZIT** për bashkërendimin e një takimi personal atë natë.
13. Gjatë ditëve në vijim, bashkëkryesi 1 dhe **JANUZI**, ndër të tjera, mbetën në kontakt dhe u lidhën përmes telefonit së paku katër herë midis 6 prillit dhe 9 prillit 2023.

#### *Kontakti i dytë*

14. Më 12 prill 2023, pak pasi i kishte telefonuar bashkëkryesit 1, **JANUZI** shkoi në shtëpinë e dëshmitarit 1. Në shtëpinë e dëshmitarit 1, **JANUZI** i tha dëshmitarit 1 se bashkëkryesi 1 e kishte dërguar **BAHTJARIN** te dëshmitari 1, dhe se **JANUZI** kishte ardhur aty në vijim të vizitës së **BAHTJARIT** dhe për të marrë vesh se çfarë planifikonte të bënte dëshmitari 1 dhe si mund të zgjidhej çështja e dëshmisë së tij.
15. Në lidhje me këtë, dëshmitari 1 i tha **JANUZIT** se nuk donte të merrej më me këtë çështje dhe që asaj t'i jepej fund. **JANUZI** tha që do t'u tregonte 'atyne' se çfarë kishte thënë dëshmitari 1.

16. Pak pas vizitës së 12 prillit 2023 që i bëri dëshmitarit 1, **JANUZI** përsëri i telefonoi bashkëkryesit 1.

17. Si rezultat i kontaktit të dytë, dëshmitari 1 u shqetësua edhe më shumë për sigurinë e vet dhe të familjes.

18. **JANUZI** dhe **BAHTJARI**: (i) i krijuan frikë dhe shqetësime të rënda një personi - dëshmitarit 1 - i cili i ka dhënë ose ka të ngjarë t'i japë informacion TFHS-së, ZPS-së dhe/ose cilitdo trupi gjykues të DHSK-së për krimet ose veprat penale të përfshira në juridiksionin e DHSK-së, që përbën një faktor të fortë shkurajues për dhënien e informacioneve (të mëtejshme) nga ky person lidhur me krimet e përfshira në juridiksionin e DHSK-së; (ii) rrezikuan aftësinë e DHSK-së/ZPS-së për të hetuar dhe ndjekur penalisht krimet në mënyrë efektive, ndër të tjera përmes marrjes dhe mbrojtjes së dëshmive relevante të dëshmitarëve; dhe (iii) ndikuan që ZPS-ja t'i devijonte mjetet e burimet dhe kohën e vet, për të trajtuar pasojat faktike dhe të mundshme për dëshmitarin 1 dhe familjen e tij në lidhje me proceset zyrtare të DHSK-së.

19. Sa i përket ndikimit mbi kohën dhe mjetet e burimet e ZPS-së dhe DHSK-së, këtu përfshihen: angazhimi i më shumë punonjësve të ZPS-së dhe DHSK-së në kontakte shtesë të panevojshme, me dëshmitarin 1, për të garantuar sigurinë dhe aftësinë e dëshmitarit 1 për të dëshmuar; shpenzimi i mjeteve dhe burimeve të ZPS-së për hetimin e ngjarjeve të shtjelluara në këtë Aktakuzë; dhe shpenzimi i kohës dhe i mjeteve e burimeve të ZPS-së dhe DHSK-së për marrjen e masave të reja të sigurisë.

20. Sikurse shtjellohet në paragrafët 7 deri 17 më lart, **Sabit JANUZI** dhe **Ismet BAHTJARI** kishin synimin dhe dijeninë e nevojshme për veprat penale të (i) pengimit të personave zyrtarë në kryerjen e detyrave zyrtare, përmes kërcënimit të rëndë dhe (ii) pjesëmarrjes në një grup personash i cili, përmes

veprimet të përbashkët, tentoi të pengonte persona zyrtarë në kryerjen e detyrave zyrtare.

2) *Frikësimi gjatë procedurës penale*

21. Midis më së paku 5 prillit 2023 dhe 12 prillit 2023, **Sabit JANUZI** dhe **Ismet BAHTJARI** përdorën kërcënimin e rëndë ose ndonjë mënyrë tjetër të detyrimit, për të nxitur personin tjetër - dëshmitarin 1 – që të mos jepte deklaratë, ose të jepte deklaratë të rreme, ose ndryshe, të mos i jepte informacion të vërtetë policisë, prokurorit ose gjykatësit, kur ai informacion ka të bëjë me pengimin e procedurës penale. Veprimet e **JANUZIT** dhe **BAHTJARIT** tregojnë qartë synimin e **JANUZIT** dhe **BAHTJARIT** për të frikësuar dëshmitarin 1 dhe për të nxitur dëshmitarin 1 që të tërhiqte dëshminë ose të mos jepte dëshmi në procese zyrtare të DHSK-së.

22. Konkretisht, sikurse shtjellohet në paragrafët 7 deri 17 (të përfshirë plotësisht këtu përmes referencave):

- i. Më 5 prill 2023, **BAHTJARI** kontaktoi dëshmitarin 1 dhe (i) i tha dëshmitarit 1 se dëshmitari 1 duhej të tërhiqte dëshminë e vet në proceset e DHSK-së, dhe (ii) i konfirmoi dëshmitarit 1 se po të mos e bënte këtë, kjo mund të rezultonte në [REDAKTUAR].
- ii. Më 12 prill 2023, **JANUZI** kontaktoi dëshmitarin 1 në vijim të kontaktit të mëparshëm të **BAHTJARIT** dhe për të marrë vesh se si qëndronin punët me dëshmitarin 1 në lidhje me dëshminë e dëshmitarit 1.
- iii. Para dhe pas kontakteve të tyre me dëshmitarin 1, **JANUZI** dhe **BAHTJARI** komunikuan dhe bashkërenduan me njëri-tjetrin dhe me bashkëkryesin 1.

23. Sikurse shtjellohet në paragrafët 7 deri 17 më lart, **JANUZI** dhe **BAHTJARI** kishin synimin dhe dijeninë e nevojshme për veprën penale të frikësimit gjatë procedurës penale.

#### **B. Format e përgjegjesisë penale**

24. Përmes veprimeve të përshkruara më lart, **Sabit JANUZI** dhe **Ismet BAHTJARI** mbajnë përgjegjësi penale individuale për kryerje ose tentativë për kryerjen e secilës prej veprave penale të paraqitura në këtë aktakuzë, përmes formave të përgjegjesisë penale të renditura në vijim. Ata kishin dijeninë dhe synimin e nevojshëm për secilën formë të përgjegjesisë penale dhe secilën vepër penale.

##### *1) Kryerja dhe tentativa*

25. **Sabit JANUZI** dhe **Ismet BAHTJARI** i kryen veprat penale përmes veprimeve të përshkruara më lart, sipas nenit 17(1) të KPK-së.

26. Gjithashtu, ose si alternativë, përmes këtyre veprimeve dhe mosveprimeve, **Sabit JANUZI** dhe **Ismet BAHTJARI** tentuan, sipas nenit 28 të KPK-së, të kryenin veprat penale.

##### *2) Bashkëkryerja dhe marrëveshja për të kryer vepër penale*

27. Përmes veprimeve të përshkruara më lart, **Sabit JANUZI** dhe **Ismet BAHTJARI** (i) kryen bashkërisht veprat penale përmes bashkëkryerjes, sipas nenit 31 të KPK-së, duke marrë pjesë në kryerjen e veprës penale ose duke kontribuar konsiderueshëm në kryerjen e saj në ndonjë mënyrë tjetër, dhe/ose (ii) sipas nenit 35 të KPK-së, u morën vesh për të kryer veprat penale, dhe një apo më shumë prej personave që ishin pjesë e asaj marrëveshjeje ndërmorën veprime të konsiderueshme për kryerjen e veprës penale. **JANUZI** dhe **BAHTJARI** kontribuan konsiderueshëm dhe ndërmorën veprime të



konsiderueshme për kryerjen e veprave penale, në realizimin e qëllimit ose marrëveshjes së përbashkët, ndër të tjera nëpërmjet njëres apo më shumë prej mënyrave të mëposhtme, sikurse përshkruhet me më shumë hollësi në paragrafët 7 deri 17 më lart:

- a. duke u takuar individualisht me dëshmitarin 1, një person për të cilin besonin se i kishte dhënë ose kishte të ngjarë t'i jepte dëshmi DHSK-së/ZPS-së;
- b. duke i bërë presion dëshmitarit 1 që të tërhiqte deklaratën, të jepte informacion të rremë, ose të mos jepte dëshmi;
- c. duke përdorur sjellje dhe gjuhë kërcënuese për ta frikësuar dëshmitarin 1; dhe
- d. duke e kontaktuar dëshmitarin 1 kundër dëshirës së tij, ndër të tjera përmes telefonit dhe takimeve personale.

3) *Ndihma*

28. Së fundi, përmes një apo më shumë prej veprimeve të përshkruara në paragrafët 7 deri 17 më lart, **Sabit JANUZI** dhe **Ismet BAHTJARI** ndihmuan njëri-tjetrin, bashkëkryesin 1 dhe persona të tjerë, në kryerjen e veprave penale.

### III. PARAQITJE E VEPRAVE PENALE

29. Përmes veprimeve të përshkruara më lart, **Sabit JANUZI** dhe **Ismet BAHTJARI** kryen ose tentuan të kryenin, vetëm, në bashkëkryerje dhe/ose në marrëveshje, veprat penale të paraqitura në këtë aktakuzë, dhe/ose ndihmuan kryerjen e tyre.

30. **Sabit JANUZI** dhe **Ismet BAHTJARI** mbajnë përgjegjësi penale individuale për:

